



Informacija o stanju vodostaja na vodnom području rijeke Save u FBiH

Sarajevo, 16.3.2018 u 11:00 sati

"Agencija za vodno područje rijeke Save" Sarajevo vrši pojačano praćenje vodostaja na svim vodotocima na vodnom području rijeke Save u Federaciji BiH.

U okviru svojih redovnih aktivnosti svakodnevno detaljno analizira slijedeće podatke:

- Trenutne vodostaje na mreži automatskih vodomjernih stanica na vodnom području rijeke Save u FBiH koje su u vlasništvu Agencije,
- Meteorološku prognozu za naredna četiri dana dostavljenu od strane Federalnog hidrometeorološkog zavoda,
- Trenutne vodostaje na rijeci Savi uzvodno od granice sa BiH koji su dostupni na web stranici Hrvatskih voda,
- Rezultate prognoze padavina i vodostaja prognoznog modela za Unu-Sanu kao i platforme prognoznih modela za kompletan sliv rijeke Save.

U zadnjih 24 sata na svim pritokama rijeke Save nastavlja se trend opadanja vodostaja.

Na rijeci Savi bilježi se stagnacija i blago povećanje vodostaja. Na mjerodavnoj vodomjernoj stanici Slavonski Brod u ovom trenutku preostalo je 10 cm do dostizanja nivoa pri kojem se proglašavaju mjere redovne odbrane od poplava koje se odnose na zaštitne vodne objekte na poplavnim područjima Odžačka i Srednja Posavina, dok je na vodomjernoj stanici Slavonski Šamac preostalo nešto više od 70 cm do dostizanja navedenog nivoa.

Shodno trenutnom vodostaju rijeke Save na VS Slavonski Brod i VS Slavonski Šamac, kao i prognoziranim hidrometeorološkim prilikama na vodnom području rijeke Save u Federaciji BiH, očekuje se dodatno povećanje vodostaja na ovom dijelu toka rijeke Save.

Prema trenutnim podacima iz prognoznog modela za rijeku Savu, postoji mogućnost dostizanja kote proglašenja mjera redovne odbrane od poplava u večernjim satima.

O trenutnom stanju vodostaja rijeke Save kao i mogućnosti dostizanja kote redovne odbrane od poplava obavještena su pravna lica koja su zadužena za provođenje aktivnih mjera odbrane od poplava na oba poplavna područja.



Sve aktivnosti na praćenju i obavještanju o trenutnom hidrološkom stanju se provode u skladu sa Federalnim operativnim planom odbrane od poplava (FOP).

Agencija za vodno područje rijeke Save će zbog aktuelnosti situacije u narednom periodu kontinuirano vršiti pojačano praćenje i obavještanje o stanju vodostaja na vodotocima na vodnom području rijeke Save u FBiH.

Odjeljenje za informacioni sistem voda
Dežurni centar